

中国西南民族史 配布資料

13 モンゴル王朝治下の雲南

13.1 『増訂南詔野史』卷上

明年，南宋理宗辛酉景定二年。爲蒙古世祖中統二年，世祖勅授王之弟信苴日則段實。總管守大理。命之曰：「向率我以臨爾境衆據國人之請，因從城下之盟，款附而忠勤益著。庸示至優之禮，以彰同視之仁。可革帝號，錫以虎符，總理大理、鄯闡、威楚、統矢、會川、建昌、騰越諸郡，撫卹已附之民，招集未降之國，卿其勉之。」

13.2 『元史』卷一百六十六 列傳第五十三 信苴日

信苴日，樊人也，姓段氏。其先世爲大理國王，後累爲權臣高氏所廢。歲癸丑，當憲宗朝，世祖奉命南征，誅其臣高祥，以段興智主國事。乙卯，興智與其季父信苴福入覲，詔賜金符，使歸國。丙辰，獻地圖，請悉平諸部，并條奏治民立賦之法。憲宗大喜，賜興智名摩訶羅嵯，命悉主諸蠻白蠻等部，以信苴福領其軍。興智遂委國任其弟信苴日，自與信苴福率樊、蠻軍二萬爲前鋒，導大將兀良合台討平諸郡之未附者，攻降交趾。入朝，興智在道上卒。

中統二年，信苴日入覲，世祖復賜虎符，詔領大理、善闡、威楚、統矢、會川、建昌、騰越等城，自各萬戶以下皆受其節制。至元元年，舍利畏結威楚、統矢、善闡及三十七部諸蠻各殺守將以叛，善闡屯守官不能禦，遣使告急，信苴日率衆進討，大敗之於威楚寶滿裔。復遣孛羅攻賊於統矢城，又大破之，遂定統矢。其秋，舍利畏又以衆十萬謀攻大理，詔都元帥也先與信苴日討之，師至安寧，遇舍利畏，擊破走之，遂復善闡，降威楚，定新興，進攻石城、肥膩皆下之，蠻部平。三年，信苴日入覲，錄功賜金銀、衣服、鞍勒、兵器。

十一年，賽典赤爲雲南行省平章政事，更定諸路名號，以信苴日爲大理總管。未幾，舍利畏復叛，信苴日遣石買等詭爲商旅，執贄往見，挺矛撞殺之，及其黨一人，梟首于市。行省以聞，復賜金一錠及金織紋衣。於是置郡縣，署守令，行賦役，施政化，與中州等。十三年，緬國擁象騎數萬，掠金齒南甸，欲襲大理，行省遣信苴日與萬戶忽都領騎兵千人禦之，信苴日以功授大理蒙化等處宣撫使。

十八年，信苴日與其子阿慶復入覲，帝嘉其忠勤，進大理威楚金齒等處宣慰使、都元帥，留阿慶宿衛東宮。及陞辭，復拜爲雲南諸路行中書省參知政事。十九年，詔同右丞拜答兒迎雲南征緬之師，行至金齒，以疾卒。信苴日治大理，凡二十三年。

子阿慶襲爵，累授鎮國上將軍，大理金齒等處宣慰使都元帥，佩金虎符。

13.3 『元史』卷三 本紀第三 憲宗

六年丙辰……是歲……雲南酋長摩合羅嵯及素丹諸國來覲。兀良合台討白蠻等，克之。

13.4 元史卷四 本紀第四 世祖一

中統元年……六月……乙丑，以石長不爲大理國總管，佩虎符。

二年……六月……庚申……賜大理國主段實虎符，優詔撫諭之。

13.5 『創建大理路儒學碑記』(至元乙酉(二十二), 1285)

……至元乙酉之春准奏，始立廟學設教官，令趙傅弼充其職，中奉大夫、雲南諸路行中書省參知政事座公天挺實倡其議。大理路軍民總管段信苴忠聞而喜曰：「文物、勝事也，力有不給於我取丁亥月正元日。」……

13.6 『加封孔子聖詔碑』(至大二, 1309)

……鎮國上將軍大理金齒等處宣慰使都元帥段阿慶

明威將軍大理路軍民總管段信苴政 等立石……


13.7 『大崇聖寺碑銘並序』(泰定二, 1325)

……大理亦釐爲一郡，以段氏宗子襲爲長民。中順大夫總管隆之祖實，中奉大夫雲南行中書省參知政


事贈武定郡公，拳勇有大度。……
 泰定二年歲次乙丑夏六月辛卯
 中順大夫大理軍民總管段信苴隆立石……

段氏總管の系譜


1 倪輅『南詔野史』(南京図書館蔵鈔本)




2 王崧本『南詔野史』(『雲南備徵志』卷八)




3 『滇攷』、『楚古通紀浅述』



4 胡蔚本『増訂南詔野史』、『滇雲歷年伝』



5 考訂後の系譜



13.8 『京兆郡夫人墓誌銘』(至正壬寅(二二), 1362)

……辛丑冬十二月某日，中奉大參勝公遣貴弟段忠翊光來蒼山，持妣夫人行狀，(闕)文以誌墓，遂不獲辭。夫人高氏，諱藥師娘，迺故理開國公黑布雙騰衝忝廉之雲仍，奉議大夫大理宣司副事高通之長女。

……既歸中奉先君，(闕)事姑之道，尤殷勲焉。……

……自此家門隆然盛大，靡不爲人之口，(闕)玄二子，撫育有法。……

……二公往往芥然於懷，子中翊如……

……姑誌二公報昊天(闕)……天命也如斯，二子報德也如(闕)……

13.9 『故智周術妙圓鑑大師墓銘』(至正丁未(二七), 1367)

……師於延祐乙卯年生，……年十一，投華嚴宗雪庭和尚，受在家僧，其積名慧超。善講談，通性相，清規律己，直道事君。前蒙化知州段信苴賢及公子壽等嘉其德行，常親信之，敬重頗嚴，供饌豐腆。元統甲戌，方牧段奉訓以智周術妙圓鑑大師号之。

13.10 『明史』卷三百十三 列傳第二百一 雲南土司一

段氏有大理，傳十世至寶。聞太祖開基江南，遣其叔段真由會川奉表歸款。洪武十四年，征南將軍傅友德克雲南，授段明爲宣慰使。明遣都使張元亨貽征南將軍書曰：「大理乃唐交綏之外國，鄯闡實宋斧畫之餘邦，難列營屯，徒勞兵甲。請依唐、宋故事，寬我蒙、段，奉正朔，佩華篆，比年一小貢，三年一大貢。」友德怒，辱其使。明再貽書曰：「漢武習戰，僅置益州。元祖親征，祇緣鄯闡。乞賜班師。」友德答書曰：「大明龍飛淮甸，混一區宇。陋漢、唐之小智，卑宋、元之淺圖。大兵所至，神龍助陣，天地應符。汝段氏接武蒙氏，運已絕於元代，寬延至今。我師已殲梁王，報汝世仇，不降何待？」

十五年，征南左將軍藍玉、右將軍沐英率師攻大理。大理城倚點蒼山，西臨洱河爲固。聞王師至，聚衆扼下關。下關者，南詔皮羅閣所築龍尾關也，號極險。玉等至品甸，遣定遠侯王弼以兵由洱水東趨上關，爲犄角勢，自率衆抵下關，造攻具。遣都督胡海洋由石門間道夜渡河，繞出點蒼山後，攀木援崖而上，立旗幟。昧爽，軍抵下關者望見，皆踴躍譁譟，蠻衆驚亂。英身先士卒，策馬渡河，水沒馬腹，將士隨之，遂斬關入。蠻兵潰，拔其城，酋長段世就擒。世與明皆段寶子也。至京師，帝傳諭曰：「爾父寶曾有降表，朕不忍廢。」賜長子名歸仁，授永昌衛鎮撫；次子名歸義，授雁門鎮撫。大理悉定，因改大理路爲大理府，置衛，設指揮使司。

13.11 『明史』卷一百二十四 列傳第十二 把匝刺瓦爾密

梁王把匝刺瓦爾密，元世祖第五子雲南王忽哥赤之裔也。……未幾，明師平四川，天下大定。太祖以雲南險僻，不欲用兵。明年正月，北平守將以所得王遣往漠北使者蘇成來獻，太祖乃命待制王禕齎詔偕成往招諭。王待禕以禮。會元嗣君遣使脫脫來徵餉，脫脫疑王有他意，因脅以危語。王遂殺禕而以禮斂之。踰三年，太祖復遣湖廣參政吳雲偕大軍所獲雲南使臣鐵知院等往。知院以已奉使被執，誘雲改制書給王。雲不從，被殺。王聞雲死，收其骨，送蜀給孤寺。

太祖知王終不可以諭降，乃命傅友德爲征南將軍，藍玉、沐英爲副，帥師征之。洪武十四年十二月下普定。王遣司徒平章達里麻率兵駐曲靖。沐英引軍疾趨，乘霧抵白石江。霧解，達里麻望見大驚。友德等率兵進擊，達里麻兵潰被擒。先是，王以女妻大理酋段得功，嘗倚其兵力，後以疑殺之，遂失大理援。至是達里麻敗，失精甲十餘萬。王知事不可爲，走普寧州之忽納砦，焚其龍衣，驅妻子赴滇池死。遂與左丞達的、右丞驢兒夜入草舍，俱自經。太祖遷其家屬於耽羅。